



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

LXV. Der Erzbischof Willebrand von Magdeburg gewährt dem Domcapitel den Besitz des Dorfes Mukede, am 2. April 1238.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

omnimodis profutura, falvis sedis apostolice auctoritate et diocesani episcopi canonica iustitia, ac in predictis decimis moderatione consilii generalis. Si qua igitur in futurum ecclesiastica secularisve persona hanc nostre constitutionis paginam sciens contra eam temere venire temptaverit, secundo tertiove commonita, nisi reatum suum congrua satisfactione correxerit, potestatis honorisque sui careat dignitate reamque se divino iudicio existere de perpetrata iniquitate cognoscat et a sacratissimo corpore et sanguine dei et domini redemptoris nostri Ihesu Christi aliena fiat atque in extremo examine districtae subjaceat ultioni. Cunctis autem eidem loco sua jura servantibus sit pax domini nostri Ihesu Christi, quatinus et hic fructum bone actionis percipiant et apud districtum iudicem premia eterne pacis inveniant. Amen. Amen.

(L. S.)

Ego Gregorius, catholice ecclesie episcopus etc.

(Es folgen die Unterschriften von zehn Cardinälen.)

Datum Laterani, per manum magistri Bartholomei sancte Romane ecclesie vicecancellarii III. Kal. Marcii, indict. VI. incarnationis dominice anno M^o. CC^o. XXXIV., pontificatus vero domini Gregorii pape VIII. anno septimo.

Nach dem Original.

LXIV. Papst Gregor IX. beauftragt den Bischof, Propst und Scholasticus von Merseburg, den Bischof von Brandenburg und die Markgrafen wegen des Zehntsstreites zu vergleichen, am 30. August 1234.

Gregorius episcopus, servus servorum dei, venerabili fratri episcopo et dilectis filiis, preposito et scholastio Merseburgensi, salutem et apostolicam benedictionem. Cum causam, que inter venerabilem fratrem nostrum, Brandenburgensem episcopum, et nobilem virum, marchionem Brandenburgensem, super quibusdam decimis vertitur, vobis commiserimus terminandum: discretionem vestram rogamus et monemus attente, vobis per apostolica scripta mandantes, quatenus ad compositionem amicabilem inter eos, si fieri potest, interponatis efficaciter partes vestras; alioquin in eadem causa ratione preuia procedatis juxta priorum continentiam litterarum. Quod si non omnes hiis exequendis potueritis interesse, tu, frater episcope, cum eorum altero ea nichilominus exequaris. Datum Spoleti, III^o. Kal. Septembris, pontificatus nostri anno VIII^o.

Nach dem Transumpt in der Urkunde vom Jahre 1238.

LXV. Der Erzbischof Willebrand von Magdeburg gewährt dem Domcapitel den Besitz des Dorfes Mude, am 2. April 1238.

— Willebrandus, dei gratia sancte Magdeburgensis ecclesie archiepiscopus, omnibus tam presentibus quam futuris in perpetuum. Provincia nostre metropolis pentapolis habet quinque sedium quinque civitatum cathedralium, quas Parthenopolis nostra tanquam filias in Christo

carissimas, paternis affectibus et maternis amplexibus amplexatur. Inter has Brandenburgensis ecclesia loco nobis est vicinior et aspectu presens et subjacens cotidiano conspectui sedis nostre. Habemus in ejus dyocesi, ut in vinea spiritualium, parrochias et patronatum jura, decimas non paucas et hujusmodi, que spiritualibus sunt annexa. Habemus in ea, ut in area temporalium, terras amplas, possessiones, opida, castra, familiam ecclesie residentem, ministerialium turbam multam et rebus et juribus abundantem, ita ut totam fere dyocesim in hiis et talibus domesticam habeamus, presertim cum ad nos pertineat terre illius jurisdictio temporalis. Cathedralem etiam ejus ecclesiam habundantiori quadam subjectione nobis invenimus semper esse devotam. Et hec sunt, que ad quedam beneficia gratuita circa ipsam merito nos invitant. Notum igitur esse volumus, tam presentibus quam futuris, quod nos, ad resignationem filiorum Alverici de Grabowe, ministerialium ecclesie, villam Mukede duodecim manforum, quam vir venerabilis Jacobus, Brandenburgensis ecclesie prepositus, ab eisdem ad usus ecclesie sue iusto emptionis titulo comparavit, cum silvis adjacentibus, piscationibus, pratis et pascuis, aquis aquarumque decursibus et omni jure suo de consensu capituli nostri eidem preposito et conventui Brandenburgensi et eorum successoribus ad usus ipsorum conferimus in proprium et donamus. Nulli ergo hominum liceat hanc paginam nostre donationis infringere aut ei ausu temerario contraire vel quocunque modo in predictis Brandenburgensem ecclesiam perturbare. Ut autem hec nostra donatio rata et inconvulsa futuris temporibus perseveret, ipsam tam nostri quam capituli nostri sigillorum munimine roboravimus, adhibitis ydoneis testibus, quorum nomina sunt hec: Ghernandus, Brandenburgensis episcopus, Bertrammus, abbas sancti Johannis baptiste in monte Magdeburgensi, Arnoldus decanus et scholasticus majoris ecclesie, Ludolfus de Suanebeke, Ludolfus custos, Kraphto cellerarius, Tyemmo majoris ecclesie canonici, Sifridus de Niegrebe, Hermannus de Werberghe, Godefridus de Weddinghe, milites, et alii quam plures clerici et layci. Datum Magdeburg, apud montem sancti Johannis baptiste in domo lapidea secus transitum versus claustrum, anno domini millesimo ducentesimo XXXVIII. IIII. nonas Aprilis, indictione XI.

Nach dem Originale.

LXVI. Der Erzbischof Willebrand versichert, daß sein Domcapitel in den Verkauf des Dorfes Mukede eingewilligt habe, am 2. April 1238.

Willebrandus, dei gratia sancte Magdeburgensis ecclesie archiepiscopus, omnibus presentem paginam inspecturis in perpetuum. Cum secundum jura canonica licitum sit cuilibet prelato conditionem ecclesie sue facere meliorem, non deteriorem, constat secundum eadem, quod, quando prelatus aliquam possessionem ecclesie minus utilem commutare voluerit et pecuniam inde perceptam in usus magis utiles vel redimendo possessiones obligatas vel comparando novas convertere disposuerit, liceat eidem propositum suum ad effectum perducere capitulo minime requisito aut si ex urbanitate requisierit, et pauciores de capitulo absentes fuerint vel pauci presentes non consenserint aut pluribus consentientibus, contradixerint, propter hoc utilitas ecclesie remanere non debeat imperfecta; cum igitur dilectus nobis in Christo Jacobus, Brandenburgensis ecclesie prepositus, ad usus ecclesie sue villam Mukede, in proprietate ecclesie nostre sitam, que non sperabatur ad commodum ecclesie